

Sr. Rudy Geerman, Presidente di F.T.A:

Si gobierno na prome instante a deal directamente cu e sindicato, situacion tabata otro

Si parlamentario Robert Maduro a waak e contractnan firma, anto bao di ningun circunstancia den e caso aki como un ingeniero lo por papia asina

STA. CRUZ -- Den un rueda di prensa di sindicato F.T.A. cu a tuma lugar ayera, presidente di F.T.A. sr. Rudy Geerman a trece dilanti cu e ta lamenta con e desaroyonan a bay te na e momentonan aki. Ta kere y ta convenci cu aki un deal no a bay bon. Sr. Geerman ta kere cu una vez bo ta un gobierno cu ta respeta bo mes y bo ta 'care' pa e clase trahador, bo por cana un otro caminda. Segun sr. Geerman ta imposibel cu bo ta yega na acuerdo cu un compania y sabiendo cu e trahadornan tin un representacion sindical, bo no a involvi nan den ningun negociacion. Bo a firma un acuerdo cu e compania y despues ora cu manera cu tur cos ta pasa, bo ta purba haci cosnan scondi y despues nan ta leak.

Anto e ora ey bo ta haya bo forza pa den e caso aki, ta yama sindicato. FTA ta convenci cu aki tabata tin compromiso y promesanan cu a wordo haci. Sr. Geerman a trece dilanti cu por waak den e pruebanan, pasobra ta imposibel cu gobierno ya caba di antemano, for di un aña prome ta duna e compania cu y ta kere cu ta o.k., cu tur e permisonan di retiro lo wordo honra.

Cu otro palabra ya caba RIU sa con e ta drenta Aruba. Una vez cu un compania asina drenta Aruba cu un tipo di bendicion asina, bo ta nota mes ora nan actitud. Den e caso aki ta bon pa prensa busca informacion na e personal y direccion di AHATA. Pasobra RIU ta e hotel cu a bisa bon cla cu nan no ta drenta den

AHATA y nan no mester, cu nan mes por hiba nan propio mercadeo. Segun sr. Rudy Geerman e ta kere cu RIU riba su mes ta un cadena importante pa pais Aruba. Pero e pregunta ta cu si ta asina bo ta drenta, e ora apesar cu bo mester di un cadena asina na Aruba, pero basa cu e ta drenta di e sistema ey, bo ta puntra bo mes si ta di berdad ta vale la pena pa bo tin companianan asina. Segun sr. Geerman si gobierno na prome instante a deal directamente cu e sindicato e situacion tabata otro. Relaciona cu e problema cu tin pa e ex - trahadornan di Aruba Grand, sr. Geerman a trece dilanti cu loke a sali den prensa siman pasa, minister di labor a yama pidi un reunion cu F.T.A. yamando aki y aya pa haya un reunion.

Sr. Geerman no a haya cu ta manera drechi, cu despues cu Minister Lee a yama aki y aya y a haya un reunion den pura, pa dialuna e Minister a habri manera cu el'a haci contra di F.T.A. Tambe sr. Geerman a trece dilanti cu segun sr. Geerman si bo tende parlamentario

Robert Maduro di partido MEP papia, bo ta puntra bo mes, si aki ta purba hustifica loke gobierno ta haci.

Si enberdad a waak e contractnan firma, anto bao di ningun circunstancia un ingeniero den e caso aki lo por papia asina.

